

## Kalendari i lutjes per burra Qershor 2018

1. Burrat dështojnë në jetën e tyre personale para se të dështojnë në publik. Lutuni që burrat të investojnë kohë në zhvillimin e karakterit të tyre personal duke kaluar kohë me Zotin në bashkësinë e lutjes dhe Fjalën e Perëndisë. (Romakëve 12: 1-2)

2. Kjo ditë dhe kjo epoke ka nevojë për burra të fuqishëm të Perëndisë. Lutuni që burrat të bëhen militantë si ushtarë të mirë të Zotit Jezu Krisht. (2 Timoteut 2: 3-5)

3. Zot Jezus, faleminderit që jetove jetën e përsosur dhe plotësove ligjin për ne. Ndërsa po vdisje, ti deklarove me triumf, "U krye". Ti i dhe fund ligjit. Si rezultat, kur ne të pranojmë Ty si Zotin dhe Shpëtimtarin tonë nuk jemi më nën ligj, ne jemi tani nën hir. Prandaj, unë të besoj Ty që të përmbushësh ligjin në mua ndërsa jeton jetën tënde nëpërmjet meje. (Romakëve 10: 4)

4. O Zot, ti më ke dhënë një zemër të re. Ti ke shkruar ligjin tënd në zemrën time. Prandaj, kënaqem në ligjin tënd sipas njeriut tim të brendshëm, si personi i ri në Krishtin. Ligji yt nuk është detyrë, por kënaqësi. Faleminderit Zot për ligjin tënd , i cili është i pastër dhe i përsosur. Dhe faleminderit për Frymën tënde në mua, që do të përmbush ligjin nëpërmjet meje. (Romakëve 7:22)

5. At Qiellor, të lavdëroj për shpëtimin e madh që ke vënë në dispozicion për mua nëpërmjet vdekjes, varrimit dhe ringjalljes së Zotit Jezu Krisht. Faleminderit Zot Jezus për këtë dhuratë shpëtimi, të cilën unë nuk e meritova dhe nuk mund ta fitoj. Ti dhe veten për mua që të mund të vije tek unë dhe kështu ti mund të jetosh jetën tënde nëpërmjet meje. Me anë të besimit të

pranoj ty Zot Jezus dhe të besoj Ty që ta jetosh jetën tënde nëpërmjet meje. (Efesianëve 2: 8)

6. I dashur Zot, të falënderoj për praninë tënde të vazhdueshme në jetën time nëpërmjet banimit të Frymës së Shenjtë. Ti je mburoja ime dhe mbrojtësi im. Prandaj, unë të besoj Ty që do të luftosh betejat e mia për mua dhe do të më mbrosh kudo që të shkoj. Kushdo që më kundërshton do t'i duhet të përballet me Ty. Prania dhe fuqia jote do të bëjnë që armiqtë e mi të kthehen mbrapsht. (Psalmi 9: 3)

7. Bashkëshortet kanë një dëshirë të thellë për t'u lidhur me burrat e tyre në një nivel emocional, megjithatë burrat shpesh e shohin shfaqjen e emocioneve si burracakëri. Lutuni që burrat të marrin parasysh shembullin e Jezuit dhe të jenë më emocionalisht të hapur me bashkëshortet e tyre. (Gjoni 11: 35-36)

8. Burrat mund të kenë sekrete që kanë frikë t'i ndajnë me bashkëshorten e tyre. Lutuni që Fryma e Shenjtë t'i drejtojë burrat për të ndarë barrën e tyre me bashkëshortet e tyre dhe se ato do të përgjigjen në një mënyrë mbështetëse dhe respektuese. (Gjoni 3:19)

9. Abuzimi me alkoolin është i dëmshëm për marrëdhëniet martesore dhe mund të dëmtojë fëmijët në shumë mënyra. Lutuni që burrat me probleme të pijes të përulen para Perëndisë, të pendohen dhe të marrin ndihmë. (Proverbat 23: 20-21)

10. Thuhet që fëmijët e barazojnë dashurine me KOHEN. Lutuni që Perëndia do të drejtojë baballarët jo vetëm për të gjetur kohë, por për ta bërë kohën me familjet e tyre një prioritet të lartë. (Luka 18:16)

11. Gratë shpesh sjellin plagët e tyre në martesë. Rrjedhimisht, ato thonë ose bëjnë gjëra që janë

lënduese për burrat e tyre. Lutuni që Perëndia t'u japë burrave të tyre vullnetin për të falur, -sërisht, nëse është e nevojshme. (Mateu 18: 21-22)

12. Ndërsa ndërmjetësojmë, ne shprehim dëshirën tonë për të ecur në bashkësi me Perëndinë. Ky qëndrim sjell liri dhe besim. Psalmisti u lut: «Do të ec në liri, sepse kërkoj urdhërimet e tua.» (Psalmi 119: 45)

13. Ndonjëherë ne shkëputemi nga jetesa me anë të hirit të Perëndisë në një qëndrim luftarak dhe vetë përpjekjes. Por Fryma e Shenjtë që frymëzon lutjet tona na mundëson të jetojmë si ata që pranohen për shkak të veprës së përfunduar të Krishtit. "Sepse Zoti është Fryma, dhe atje ku është Fryma e Zotit, atje është liria." (2 Korintasve 3:17)

14. Zoti Jezus deklaroi: "Por vjen ora, madje ajo ka ardhur, që adhuruesit e vërtetë ta adhurojnë Atin në frymë dhe në të vërtetën, sepse të tillë janë adhuruesit që kërkon Ati." (Gjoni 4:23). Ndërsa lutemi që kampionët të ngrihen, shprehni adhurimin tuaj nga zemra sipas të vërtetës biblike.

15. Lutemi për jetë në harmoni me vullnetin e zbuluar të Perëndisë. Ky qëndrim i bindjes shpreh dashurinë për Zotin dhe çmon lidhjen tonë shpirtërore me Të. Jezusi tha: "Kush ka urdhërimet e mia dhe i zbaton, është ai që më do; dhe kush më do mua, Ati im do ta dojë; dhe unë do ta dua dhe do t'i dëftohem atij". (Gjoni 14:21)

16. "I bekuar qoftë Perëndia dhe Ati i Zotit tonë Jezu Krisht, i cili na ka bekuar me çdo bekim frymor në vendet qiellore në Krisht!" (Efesianëve 1: 3). Edhe kur ballafaqohemi me zhgënjime, ne mund të lutemi me falënderime për shkak të bekimeve bujare të besëlidhjes së re.

17. Perëndia dëshiron që të gjithë të shpëtohen dhe të vijnë në njohjen e së vërtetës. Nëse nuk besoni që kjo të bëhet e vërtetë, vetëm lexoni 1 Timoteut 2: 4. Falënderoni Perëndinë që ju ka shpëtuar vetëm me hirin!

18. Falënderoni Perëndinë që ai nuk po kërkon gabime në jetën tonë. Përkundrazi, Ai po kërkon mëkatarët që janë të gatshëm të përulen, pendohen dhe e ftojnë Jezusin në jetën e tyre si Shpëtimtarin dhe mikun më të mirë (Gjoni 1:12).

19. A po merrni pjesë në mënyrë aktive në përbushjen e Porosisë së Madhe? Nëse jo, lutuni që Perëndia t'ju vërë në lëvizje. Tregojini atij sot se ju, si Isaia, jeni të gatshëm të merrni pjesë në këtë përbushje (Isaia 6: 8).

20. A jeni të shqetësuar për ndarjen e Ungjillit me familjen dhe miqtë tuaj? Nëse po, gjithnjë mund t'i kërkon Perëndisë kurajo (Efesianëve 6:10). Dhe nëse nuk dini si të veproni dhe çfarë të thoni, mund t'i kërkon Perëndisë mençuri (Jakobi 1: 5)

21. I ligu gjithmonë do të bëjë maksimumin e tij për tju penguar që të ndani lajmin e mirë me njerëz të tjerë. Por ai është mposhtur nga Jezu Krishti, Zoti dhe Shpëtimtari ynë. Pra, për sa kohë që ju jeni mik i Tij, nuk keni asgjë për tu frikësuar - ju jeni thjesht jashtë shënjestrës së djallit. Falënderoni Jezusin dhe lëvdoni emrin e Tij! (Kololianëve 3: 3).

22. "*tek i cili s'ka mashtrim*"(Gjoni 1:47). Vërtetësia dhe kërkimi i sinqertë për të vërtetën janë cilësitë që vlerëson Perëndia. Jezusi konfirmoi se kushdo që është i së vërtetës e dëgjon zërin e Tij (Gjoni 18:37). Lutuni që edhe për ju të thuhet, se jeni një njeri i besueshëm dhe që qëndron për të vërtetën.

23. Një nga markat tregtare të krishtërit autentik është përlësia. Zoti Jezu ilustroi se ç'do të thoshte kjo kur lau këmbët e dishepujve të tij (Gjoni 13: 1-15) Përlësia e vërtetë u shërben të tjerëve në dashurinë e Krishtit. Lutuni që Krishti të qeverisë jetën tuaj deri në pikën që mund t'i bindeni urdhrat të Tij dhe t'i trajtoni të tjerët ashtu si Ai ju trajton ju .

24. Dishepulli i Jezusit thirret për të ofruar trupin e tij si një flijim të gjallë (Romakëve 12: 1) E njëjta sfidë iu dha Jezusit kur ai kushtëzoi shpëtimin e një jete në gatishmërinë e humbjes së vetë-jetës në bindje ndaj Tij (Luka 9:24). Jini të gatshëm të luftoni kundër natyrës suaj mishore dhe të dorëzoni vullnetin tuaj në Zotërinë e Krishtit.

25. "*Sepse ju keni nevojë për durim ...*" (Hebrenjve 10:36). Nëse keni ndonjë kohë të vështirë për të dominuar shpirtin tuaj të pavarur dhe për t'i besuar Perëndisë që të kujdeseni për gjërat që nuk mund të zgjidhni, atëherë ushtroni veten në durim. Lutuni për dallim dhe t'i rezistoni thirrjes për të zgjidhur çështjet pa dëgjuar më parë prej Tij.

26. Burrat shpesh quhen ishuj, sepse ata kanë vështirësi për të komunikuar ndjenjat e tyre më të thella. Është e rëndësishme për një burrë të ketë një mik të mirë, i cili është i gatshëm ta dëgjojë atë si një mentor i besuar. "*Hekuri mpreh hekurin, kështu njeriu mpreh fytyrën e shokut të tij*"(Fjalët e urta 27:17) Lutuni që Zoti të sigurojë dikë që do të jetë një mprehës i tillë në jetën tuaj.

27. Apostulli Pal bën thirrje që besimtari të përtërihet në frymë dhe të vendosë njeriun e ri, të krijuar sipas Perëndisë, në drejtësinë dhe shenjtërinë e vërtetë (Efesianëve 4:23). Lutuni që ju të jeni një njeri me karakter të

perëndishëm, i cili përmes cilësive të tij mendore dhe morale tregon se jeni dishepull i Jezu Krishtit.

28. Lutuni për zhvillimin e shërbesës së burrave të TWR për lutje, programim dhe dishepullizim në Afrikën e Jugut, Brazil, Uruguaj, SHBA, Indonezi, Indi, Shqipëri, Republikën Çeke dhe Norvegji. Lutuni gjithashtu për Lonnie Berger, drejtorin ndërkombëtar të shërbesës së burrave të TWR dhe presidentit të "Cdo burrë është një luftëtar" për të përjetuar 1Korintasve 16:13.14, ndërsa ai shkon në zyrën ndërkombëtare të TWR në Cary, NC.

29. Bibla flet për vuajtjet dhe hutimin e kombeve tek Luka 21:25. Nëse ndiqni lajmet botërore ju mund të shihni se si kjo profeci i përshtatet kohëve tona. Prandaj mos u lodhni për t'u lutur për ata që janë në autoritet në qytetin dhe vendin tuaj. Lutuni që ata të kërkojnë mençuri nga lart dhe të kuptojnë se vetëm frika e Perëndisë dhe drejtësia e tij mund të sjellin shërimin tek njerëzit.

30. "*Perëndia është dashuri ...*" (1Gjoni 4: 8). Në dashurinë e Tij Ai ishte i gatshëm të jepte Birin e Tij Jezu Krishtin si shlyerjen për mëkatin e botës. Fjalët nuk janë të mjaftueshme për të përshkruar siç duhet dashurinë mahnitëse dhe flijuese të Perëndisë. Ji i gatshëm ta adhurosh Shpëtimtarin për mëshirën dhe dashurinë e Tij të madhe. Lutuni që ju të jeni një instrument i dashurisë së Tij për familjen, fqinjët dhe miqtë tuaj. (Romakëve 5: 5)